



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-400
fax. +387 33 726-423
e – mail: info@voda.ba

Broj: **UP-1/21-2-40-458-2/24**

Datum: **06.09.2024. godine**

«Agencija za vodno područje rijeke Save» Sarajevo rješavajući po zahtjevu Udruženja građana Ronilački klub „Vidara“ Gradačac za izdavanje vodne saglasnosti za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku izgradnje privremenog montažno – demontažnog objekta koji će služiti u svrhu spašavanja ljudi i materijalnih dobara od prirodnih i drugih nesreća, kao i obuku ronilaca i spasilaca, na zemljištu koje pripada vodnom dobru jezera Vidara, na osnovu člana 109. stav 2. tačka 1. i 3., a u vezi sa članom 12. stav 1. tačka 7., Zakona o vodama («Službene novine Federacije BiH», broj 70/06), i člana 200. stav 1. Zakona o upravnom postupku («Službene novine Federacije BiH», broj 2/98, 48/99 i 61/22), donosi

RJEŠENJE **o vodnoj saglasnosti**

1. Udruženju građana Ronilački klub „Vidara“ Gradačac, daje se vodna saglasnost za aktivnost koja može prouzrokovati specifične uticaje na vode koje mogu nastati izgradnjom privremenog montažno – demontažnog objekta koji će služiti u svrhu spašavanja ljudi, kao i obuku ronilaca i spasilaca i koji se planira graditi na zemljištu označenom kao k.č: 235/1 K.O. Gradačac II, grad Gradačac, a u postupku pribavljanja odobrenja za građenje, u skladu sa projektnom dokumentacijom:
 - Glavni projekat sakupljanja, tretmana i ispuštanja otpadnih voda sa platoa i iz objekata koji će poslužiti u svrhu spašavanja ljudi i materijalnih dobara od prirodnih i drugih nesreća, koji se planira graditi u naselju Vida II uz branu jezera Vidara, Grad Gradačac, urađen od strane „SPREČA“ d.d. Tuzla, juni 2024. godine, broj: 051-01-1-259/23.Ova vodna saglasnost može se koristiti isključivo u postupku pribavljanja odobrenja za građenje u skladu sa Zakonom o građenju.
2. Vodna saglasnost se donosi na osnovu utvrđenog činjeničnog stanja i pregleda dostavljene projektne dokumentacije iz tačke 1. dispozitiva koja čini sastavni dio ovog Rješenja, a ista se, ovjerena od strane ove Agencije, vraća podnosiocu zahtjeva na trajno čuvanje i ista je sastavni dio ovog rješenja.
3. Ova vodna saglasnost ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
4. Vodna saglasnost se donosi na osnovu pregleda dostavljene projektne dokumentacije, utvrđenog činjeničnog stanja i pod slijedećim uslovima:
 - 4.1. Radove na izgradnji objekta koji će služiti u svrhu spašavanja ljudi kao i obuku ronilaca i spasilaca izvesti u skladu sa projektnom dokumentacijom iz tačke 1. dispozitiva ovog Rješenja.
 - 4.2. Korisnik vodne saglasnosti je dužan da prije početka izvođenja radova riješi imovinsko pravne odnose na lokalitetu izvođenja radova i na mjestu formiranja privremenih gradilišta i sl.
 - 4.3. Objekat definisan pod tačkom 1. ovog Rješenja, Udruženje građana Ronilački klub „Vidara“ Gradačac će koristiti isključivo u svrhu spašavanja ljudi, kao i obuku ronilaca i spasilaca, a sve u skladu sa Zakonom o zaštiti i spašavanju ljudi i materijalnih dobara od prirodnih i drugih nesreća u Tuzlanskom kantonu («Službene novine Tuzlanskog kantona», broj 10/08) i Pravilnikom o organiziranju Službi zaštite i spašavanja član 19. («Službene novine Federacije BiH», broj 77/06).
 - 4.4. Da objekti za smještaj opreme i spasilačkih službi budu montažnog karaktera i lako prenosivi, a njihov sadržaj da bude isključivo za potrebe službe za spašavanje.
 - 4.5. Investitor (korisnik vodne saglasnosti) je obavezan ispoštovati uslove iz Rješenja o lokacijskoj informaciji broj: 06/1-19-1-1906/22 izdatog dana 04.10.2022. godine od strane Službe za urbanizam investicije i komunalne poslove.
5. Po završetku izgradnje predmetnih objekata i obavljenog tehničkog pregleda izvedenih radova, korisnik vodne saglasnosti dužan je podnijeti zahtjev za vodnu dozvolu. Zahtjev se dostavlja u skladu sa članom 12. i 19. Pravilnika o sadržaju, obliku, uslovima, načinu izdavanja i čuvanja vodnih akata („Sl. novine FBiH“ broj: 31/15, 55/19, 41/20 i 63/22).

6. Ukoliko izgradnjom predmetnog objekta dođe do promjene režima površinskih ili podzemnih voda, a ta promjena prouzrokuje štete ma kakvog karaktera, podnositelj zahtjeva je obavezan uzroke štete otkloniti, a procijenjenu štetu nadoknaditi.
7. Korisnik objekta je dužan na zahtjev nadležnog organa za upravljanje vodama, u slučaju potrebe za gradnje vodnih objekata, isti ukloniti o vlastitom trošku, u roku koji odredi taj organ.
8. Korisnik ove vodne saglasnosti nema pravo na naknadu eventualnih šteta prouzrokovanih plavljenjem i iste padaju na njegov teret.
9. Ovo rješenje o vodnoj saglasnosti se može izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.
10. Ova vodna saglasnost prestaje važiti istekom roka od dvije godine od dana pravosnažnosti iste, ukoliko u tom periodu ne bude pribavljeno odobrenje za građenje i započeti radovi.

Obrazloženje

Udruženju građana Ronilački klub „Vidara“ Gradačac, daje se vodna saglasnost za aktivnost koja može prouzrokovati specifične uticaje na vode koje mogu nastati izgradnjom objekta koji će služiti u svrhu spašavanja ljudi, kao i obuku ronilaca i spasilaca i koji se planira graditi na zemljištu označenom kao k.č: 235/1 K.O. Gradačac II, grad Gradačac.

U prilogu zahtjeva podnosilac je dostavio slijedeću dokumentaciju:

- Ovjerena kopija rješenja o upisu promjena broj: UP1-06/1-05-001839/20 od 10.02.2020. godine izdato od strane Ministarstva pravosuđa i uprave Tuzlanskog kantona,
- Ovjerena kopija Uvjerenja o poreznoj registraciji izdatog dana 19.12.2002. godine od strane Porezne uprave – Kantonalni ured Tuzla,
- Uvjerenje da je projektovana trasa vodovodnih i kanalizacioni priključnih cjevovoda i kolektora u skladu sa postojećom vodovodnom i kanalizacionom infrastrukturom, kojim se daje saglasnost na trasu iste, izdato od strane JP „Komunalac“ d.d. Gradačac,
- Kopija Rješenja o prethodnoj vodnoj saglasnosti broj: UP-1/21-1-40-396-5/22 izdatog dana 25.08.2022. godine od strane «Agencije za vodno područje rijeke Save» Sarajevo,
- Kopija Rješenja o lokacijskoj informaciji broj: 06/1-19-1-1906/22 od 04.10.2022. godine od strane Službe za urbanizam, investicije i komunalne poslove, grad Gradačac,
- Grafička skica br: 06/1-19-1-1906/22 od 08.09.2022. godine, Grad Gradačac (kopija),
- Izvod iz regulacionog plana zone jezera Hazna i Vidara, banjske i sportsko-rekreacione zone, br: 06/1-19-1-1906/22 od 08.09.2022. godine, Grad Gradačac (kopija),
- Ugovor o međusobnim pravima i obavezama sa službom za spašavanje na vodi i pod vodom, zaključen dana 16.04.2015. godine u Tuzli, između Kantonalne uprave civilne zaštite i Ronilačkog kluba „Vidara“ Gradačac (kopija),
- Glavni projekat sakupljanja, tretmana i ispuštanja otpadnih voda sa platoa i iz objekata koji će poslužiti u svrhu spašavanja ljudi i materijalnih dobara od prirodnih i drugih nesreća, koji se planira graditi u naselju Vida II uz branu jezera Vidara, urađen od strane „SPREČA“ d.d. Tuzla, juni 2024. godine, broj: 051-01-1-259/23;
- Dokaz o uplaćenju upravnoj pristojbi.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozima, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U provedenom postupku utvrđeno je slijedeće:

- Lokacija na kojoj je planirana izgradnja privremenog montažno-demontažnog objekta koji će služiti u svrhu spašavanja ljudi, kao i obuku ronilaca i spasilaca i koji se planira graditi na zemljištu označenom kao k.č: 235/1 K.O. Gradačac II, grad Gradačac.
- Ronilački klub „Vidara“ Gradačac ima zaključen ugovor o međusobnim pravima i obavezama sa službom za spašavanje na vodi i pod vodom. Ugovor je zaključen između Kantonalne uprave civilne zaštite TK kantona i Ronilačkog kluba „Vidara“ Gradačac.
- Projektna dokumentacija, dostavljena uz zahtjev, urađena je od strane pravnog lica SPREČA“ d.d. Tuzla koje ima Ovlaštenje izdato od strane Federalnog ministarstva poljoprivrede, vodoprivrede i šumarstva (sa liste „A“).

U dokaznom postupku utvrđeno je da je projektna dokumentacija urađena je u skladu sa uslovima iz Rješenja o prethodnoj vodnoj saglasnosti donesenog od strane Agencije za vodno područje rijeke Save, broj: UP-1/21-1-40-396-5/22 dana 25.08.2022. godine, te je shodno članu 114. Zakona o vodama upisivanjem broja i stavljanjem otiska pečata Agencije za vodno područje rijeke Save na projektnu dokumentaciju: Glavni projekat sakupljanja, tretmana i ispuštanja otpadnih voda sa platoa i iz objekata koji će poslužiti u svrhu spašavanja ljudi i materijalnih dobara od prirodnih i drugih nesreća, koji se planira graditi u naselju Vida II uz branu jezera Vidara, urađen od strane „SPREČA“ d.d. Tuzla, juni 2024. godine, broj: 051-01-1-259/23, data vodna saglasnost na istu.

Uvidom u dostavljeni projekat utvrđeno je da planirano proširenje prostornih kapaciteta postojećeg montažno-demontažnog objekta, dogradnjom dodatna dva kontejnera standardnih dimenzija za potrebe obuke novih ronilaca i spasilaca i magacinski smještaj prateće opreme, spratnosti P+1, dimenzija 9,30x6,40 m uključujući nadstrešnicu dimenzija 6,0x3,0 m. U predmetnom objektu su planirani slijedeći sadržaji:

- Magacinski prostor za smještaj ronilačke i opreme za spašavanje i opreme za obuku,
- Sala za edukaciju (trening centar),
- Kancelarijski prostor,
- Mokri čvor sa lavaboom i čučavcem, bez tuš baterije.

Ukupna korisna površina objekta je 77,52 m². Oko objekta je planirana zelena površina sa pješačkim stazama za pristup. Nije planiran parking prostor. Odvodnja sanitarno-fekalnih otpadnih voda iz objekta je planirana putem priključka na javni kanalizacioni sistem.

Na osnovu utvrđenog činjeničnog stanja, a u cilju smanjenja negativnih uticaja predmetne gradnje na stanje voda i vodni režim, podnosiocu zahtjeva su ovom vodom saglasnosti, u dispozitivu ovog Rješenja, propisani uslovi u skladu sa odredbama člana 114. Zakona o vodama i člana 7. Pravilnika o sadržaju, obliku, uvjetima načinu izdavanja i čuvanja vodnih akata, koje je potrebno ispuniti prilikom izvođenja predmetnih radova.

Podnosilac zahtjeva je uplatio upravnu taksu u iznosu 60,00 KM u skladu sa članom 7. stav 1. Tarifni broj 43. Zakona o federalnim upravnim taksama („Sl. novine FBiH“ broj: 6/98, 9/08, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka: Meho Čaušević B.Sc.ing.grad.

Prilog:

- Glavni projekat sakupljanja, tretmana i ispuštanja otpadnih voda sa platoa i iz objekata koji će poslužiti u svrhu spašavanja ljudi i materijalnih dobara od prirodnih i drugih nesreća, koji se planira graditi u naselju Vida II uz branu jezera Vidara, urađen od strane „SPREČA“ d.d. Tuzla, juni 2024. godine, broj: 051-01-1-259/23.
- Glavni projekat izgradnje objekta-centar za spašavanje i edukaciju ljudi Ronilački klub „Vidara“ Gradačac urađen od strane Institut za građevinarstvo, građevinske materijale i nemetale d.o.o. Tuzla.

Po ovlaštenju
Rukovodilac sektora za izdavanje vodnih akata



Nihad Pezo, dipl.inž.grad

Dostaviti:

- Udruženja građana Ronilački klub „Vidara“ Gradačac, ul. H.K Gradaševića bb, Gradačac (Prilog)
- Ⓢ AVP Sava, ISV - vodna knjiga
- Org.jed. 40 - arhiva
- Oglasna ploča - AVP Sava